

D. B. V.

EXERCITIUM ACADEMICUM,

DE

ORTU PETRIFICATORUM,

QUOD,

*Consensu Ampliss. Senatus Philosophici In Illustri.
Academia Auraica,*

PRÆSIDE,

CELEBERRIMO VIRO,

PETRO KALM

Oeconom. PROFESS. Ordin.

&

Reg. Acad. Scient. Svec.
SOCIO.

Publicæ disquisitioni modeste committit

STIPENDIARIUS REGIUS

JEREMIAS WALLENIUS,

In Auditorio Superiori

Die XIII. Febr. Anni MDCCCLIV.

H. A. M. S.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.

S:Æ R:Æ M:TIS
MAGNÆ FIDEI VIRO,
Generosissimo atque Nobilissimo,
D.N. JEREMIAE
WALLEN,
Judici Provinciali æquissimo,
Patruo propensissimo.

Cui potius quam Tibi, quicquid a me muneris & officii, in prompti obsequii, sincerae pietatis ac venerationis indubiam significationem, proficisci queat, offerrem, mortalium jam invenio neminem. Solum arclum istud, quo me Tibi conjunctum latore, sanguinis vinculum singularem, penes Te, obligationem mihi imponit. Accedit quod, insignem Tui estimationem pariter ac amorem, ab ipsa natura animo alte impressam, infixum meo, ipsem, multiplici merito ac beneficio, prono quasi pectore in Te redundantem feceris. Quoties amabili Tuo mihi frui licuit consortio, toties ore fronteque suavem, facetum, moribus quoque honestissimis & exemplo illustri ubique præluculentem Te nobis exhibuisti. Benignitatis vero Tuæ cum nulla penes me locum habeat remuneratio, præter piam perpetuamque memoriam, præsentem qualemcumque, eam publi-

publice erigendi ac celebrandi, occasionem gestiens ar-
ripui. Accipe igitur, humillimus oro quæsoque, opel-
lam banc, pro pignore & interprete certissimo gra-
tissimi erga Te animi mei & venerabundi. Quod
utcunque in se vile donum, offerentis si respicis men-
tem, acceptissimum Tibi fore spero. Ne desistas pa-
trium Te gerere optimum meque singulari complecti
favore. Meum erit ardentissima, pro perenni felici-
tate Tua, fundere suspiria.

Ad cineres permanfurus

PATRUI PROPENSISSIMI

humillimus cultor,
JER. WALLENIUS.

VIRO maxime Reverendo ac Celeberrimo,

D_N. CAROLO FRID.
MENNANDER,

S:æ Theologiæ DOCT. & PROFESSORI Reg. & Ord.
simulque Reg. Acad. Scient. Svec. MEMBRO

Maxime inclyto,

h. t. Acad. RECTORI MAGNIFICO.

Variæ nec leves in promtu sunt rationes, quibus
permotus paucas hasce, ingenii pretio ac nitore
destitutas pagellas, Nomiⁿi Tu^o, magna eruditionis glo-
ria splendenti, adscribere ausus sim. Quemadmodum
b. Parens meus, dum viveret, in Te de amico con-
junctissimo sibi gratulari potuit, sic ego Mæcenatem, gra-
tiosæ in me propensionis, Te jam veneror optimum.
Quid beneficia Tua domum Paternam spectantia præ-
dicem? Id verbo dixisse sufficiat, quod nostris promo-
vendis commodis, data occasione, nunquam defueris.
Ad me præcipue quod attinet, non solum illa mibi con-
tigit felicitas, ut, per aliquot jam annos, solide &
exquisitæ eruditionis nectar, litterarum cultoribus se-
dulo a Te propinatum, summa cum voluptate bause-
rim; Verum favoris quoque Tui incomparabilis plu-
rima expertus sim documenta. Quoties venerabili Tu^o
confor-

consortio frui mihi licuit, sermones, gestus, vultu-
que ad raram benignitatem compositos animadverti.
Consiliis quoque monitisque saluberrimis memet juvare,
erigere, refocillare haud designatus es, nec a Te a-
lienum duxisti. Hinc summa Tui veneratio totum
jamdiu cepit animum. Hac mente, in splendida fa-
voris Tui ara, exiguam Tibi etiamnum offero hostiam.
Scio equidem in omni eruditio[n]is genere usque adeo
versatum erectumque Virum exile hoc haud decere dos-
num, sed juxia non vana spe erigor sublimis Tuæ
indolis memor, Te, cuius est ne vilia quidem conte-
mneret officia ex sincero pioque profecta affectu, inno-
cios & honestos utcunque imbecilles conatus, rigida
perstringendo censura, non repressurum nec sufflamini-
naturum, sed benigne excipiendo secundaturum, iis
calcar additurum. Cujus spei compos factus novum na-
ctus est, idque insigne favoris pignus, quod dignis nun-
quam celebrare valebit praconis,

Celeberrimi NOMINIS TUI

NOMINUM AESTRORUM

bunillimus cultor,
JER. WALLENIUS.

Admodum Reverendo atque Amplissimo VIRO,

Dn. NICOLAO TOLPO,

Ecclesiarum quæ Deo in Cumå & Harjavalda colliguntur *ANTISTITI* vigilantissimo, Nomarchiæ Satacundiæ inferioris *PRÆPOSITO* gravissimo.

VIRO Admodum Reverendo & Praeclarissimo,

Dn. Mag. JOHANNI GRÄUI

ANTISTITI ac Præposito Ecclesiarum Raumoënsium, urbicæ & ruralis, vigilantissimo,

VIRO Admodum Reverendo atque Praeclarissimo,

Dn. Mag. MARTINO GRÄUI

Ecclesiarum, quæ in Töfsala, Varsala, St. Jacob & Iniö Deo colliguntur, *ANTISTITI* meritissimo.

Plurimum Reverendo atque Clarissimo VIRO,

Dn. ERICO WALLENIO,

PASTORI Legionis pedestris Aboënsis dignissimo.

AVUNCULIS & PATRUO OPTIMIS.

IN monumentum honoris, pietatis & gratitudinis summae, quibus vos colere, prosequi, nec non, ob paterni plane affectus sat luculenta documenta & beneficia cumulatim præstita, jugiter redamare incumbit mihi, pagellas basce; cum omnigenæ prosperitatis sincera adprecatione, consecrat

NOMINUM VESTRORUM

cultor observantissimus,

JEREMIAS WALLENIUS.

A. N.

S. I.



Nter amoenissima pariter ac admiranda illa, quæ singula naturæ Regna nobis exhibent, spectacula, corpora *Petrificatorum* nomine insignita, peculiari quasi jure, haud ultimum sibi vindicant locum. Singularis quæ corporibus hisce propria est fors, indeles ac constitutio inter tria Naturæ Regna suspensam quasi tenet eorum possessionem. Quatenus tamen in solo regno perficiuntur minerali, nec aliunde in conspectum prodeunt, unaniri Historicorum Naturalium consensu ejusdem jure annumerantur copiis. Petrificata autem sunt ejusmodi fossilia, quæ vegetabilia aut animalia quædam exactissime repræsentant. Experientia vero docet diurna varia ejusmodi corpora sinum terræ atque profundos montium recessus non minus quam alta eorum cacumina inhabitare. Peregrina hæc corpora non in certis quibusdam unius alteriusve Regionis locis, nec in unica tantum vel altera globi nostri terrauei plaga & parte suas posuere sedes, sed per universum fese adeo dilatarunt

A

orbem

orbem, ut vix illa reperiatur Regio, quæ sicuti iis hospitia non præbeat. In Finlandia nostra tamen, quantum quidem nos exploratum habemus, vix aliqua Petrificata ad hunc usque diem inventa sunt, quod notatu certe est dignum. Heic ad superficiem terræ jacent petrificata, alibi in interioribus terræ recessibus montiumque se abscondunt cavernis. Non solum in profundis lapicidinarum & metalli fodinarum penetralibus se offerunt, verum quoque planitierum viscera ingrediuntur, montiumque sæpe occupant summos apices. In simplicis terræ stratis raro occurunt, multiplici contra mineralium mixturæ sæpiissime interspersa observantur. Præterea terra sinu suo fovet montiumque juga ostentant corpora alieni loci ac originis, omnis plane expertia mutationis. Quorum præcipue numerum concharum coehlearumque testæ absolvunt, quarum ingentia agmina plurimos, etiam editissimos, obtegunt obdidentque montes. Eadem ad petrificatorum propriè quidem non pertinent classem, quatenus tamen communi cum his subsunt sorti, si transitum & migrationem, qua, a peregrinis oris a locis sibi propriis, in dissita adeo, varia diversaque terræ loca pervenerunt, spectemus, eatenus ortum petrificatorum leviter pensitaturis eorum simul ratio habenda erit. Hæc tam insolitæ ac inopinatæ naturæ revolutiones, attentis spectatoribus quidni admirationem, cum singulari conjunctam voluptate, pariant? Quemadmodum vero oculos naturæ curiosorum animosque incredibiliter pascunt atque oblectant, sic in fata eorum ortumque inquirentibus haud contemnendas sane neglectū difficultates. Quam ardua, quanti momenti hæc sit indagatio vel exinde apparent, quod, licet per plura jam secula ingenia industriamque non parum versaverit eruditorum, nondum tamen res ad liquidum sit deduxta, quin potius hodienum in ambiguo lis hæreat sub judice. Multi in investigandis ipsis Petrificatorum rudimentis, statim

tim in devia abierunt; plerique perspectis facile principiis & fontibus, e quibus derivanda essent, de viis ac modis, quibus in terram profecta sunt, mire dissenserunt.

Nobis jam constitutum est variam haec de re item, si non dirimere, paucis saltim tractare sententias in hac adhibitas arena sub examen qualemque revocando. Ut juvenili conamini miti ac benigno iudicio faveat L. qua pars est observantia contendentes.

§. II.

Circa ortam Petrificatorum inter eruditos variae versantur opiniones, quae tamen omnes ad tres referri possunt classes. Quidam enim corpora haec, petrificatorum nomine vulgo salutata, incolas aut Regni vegetabilis aut animalis quondam fuisse sentiunt, longa autem annorum serie lapideam vel lapidibus proximam naturam induisse.

Alii eadem, vel nihil nisi lusus naturæ esse, vel nunquam ad prædicta Regna pertinuisse, verum lapides consti-tuere singulares cuique generis statuunt; qui lapides, virtute quadam plastica extraordinaria terræ propria, eodem fere modo ac crystalli, gemmæ, salia, variae species pyritum &c. olim hodieque tales generati fuissent & generarentur, determinata figura semper gaudentes.

Sunt denique alii, qui medium quasi inter duas has opiniones viam incedere malunt, statuentes multos quidem lapides pro petrificatis saepius venditatos tantum ludicra naturæ esse, alias incolas Regni vegetabilis aut animalis aliquando existuisse, quamvis jam substantiae lapideæ particeps factos; multos vero etiam & olim & hodie in gremio terræ e semine quodam peculiari procreari.

§. III.

Si mentem nostram de tribus allatis opinionibus exponeamus, prima, qua testacea & petrificata quævis olim ad Regnum Vegetable aut animale pertinuisse adstruitur, veritati nobis maxime consona videtur, nec in tot tamque inextricabiles difficultates, quibus cæteræ obnoxiae sunt, inducit. Antiquitati tantum non omni eadem fuit sententia, nec unquam aliunde nisi a mari orta testacea Petrificata veteres crediderunt. Fatemur quidem varios esse lapides figuratos, qui nihil nisi ludentis naturæ sunt miracula: Sic inter silices, in montibus cretaceis Anglicis repertos, multi dantur digitos, cornua, pedes, varia instrumenta mechanica &c. quodam modo repræsentantes; Sed de his & similibus, utpote petrificatorum nomine minime dignis, quippe qui casu ita generati sunt, sermo hic non est. Cum vero varia corpora naturalia consistentiæ lapideæ in visceribus terræ alibique inveniantur, quæ figura, magnitudine, forma, aut certis vegetabilibus aut animalibus, in primis Testaceis, tam exacte, plerumque etiam in minimis, congruent, ut ne vel minimam differentiam observare possis, excepto quod lapideam consistentiam induerint, absurdum immo stultum plane foret, ea ad illud naturæ regnum quondam pertinuisse incolarum cuius referunt similitudinem, negare. Retulit mihi Celeb. D. Præses se in lapidibus e Latomis Tattanelensibus in Anglia effossis petrificata collegisse ostreis viventibus adeo similia, ut ignari ostreas nuper captas eadem esse crediderint. In conchis & aliis Testaceis bivalvibus petrifactis fæpe utraque testa, tam superior quam inferior, una alteri arte & accurate, eodem plane modo ac in testaceis vivis, adhærens inventa est. In Etruria Italæ concham margaritiferam petrificantam, cuius testæ etiam tum ipsa margarita adnata erat, naturæ curiosi confpexerunt, referente Rajo in itin.

Ejus

Ejus anglico idiomate conscriptis p. 125. Glossopetræ sic dictæ maxima copia variis in regionibus inveniuntur: hæ tam exacte figuram, formam & magnitudinem dentium pisces squali, qui alias canis charcharias vocatur, referunt, ut vix ovum ovo tam simile; Hinc viso ejusmodi dente seu glossopetra, ubi quondam, pisce adhuc vivo, locum habuit, sive in fauce, sive prope rostrum, sive in maxilla superiori vel inferiori, sive in latere oris sinistro dextro, facile dicere posses: diversa enim figura competit dentibus qui fauci inserti sunt ab iis qui politi sunt ad rostrum & cæteris omnibus; idem de reliquis valet: Quod ut in dentibus ipsius pisces, ita etiam in predictis glosso petris, exactissime observatur. Plura ejusmodi exempla proferre possemus, nisi temporis habenda esset ratio. Ex hisce autem, quæ breviter adducta sunt, cuivis perspicuum esse existimamus, petrificata quondam illa ipsa, sive vegetabilia sive animalia fuisse, quorum, sub lapidum specie, adeo exactam adhuc hodie similitudinem præ se ferunt. Nec ulla ratio dari potest cur sapientissimus Creator corpora quædam in uno naturæ Regno obvia, ad exemplar quasi corporum naturalium reliquis duobus Regnis ab illo diversissimis, proprietatum innatorumque, efformaret, adeoque confusionem quandam inter tria naturæ Regna naturalem introduceret. Naturam vero scimus nihil facere frustra, perturbare aut inordinate. Quid? quod, si yeri lapides, varia testacea, eaque multa copia, semper & ubique exactissime exprimentes, invenirentur, non etiam fossilia variis avibus, insectis, quadrupedibus, imo ipsis denique hominibus simillima dentur. Qualia monstra nemo unquam vidit. Credamusne naturam, seu quod rectius, Deum, dentes sine maxilla, testas sine animalibus eas inhabitantibus, ossa sine carne aut animali, hoc est, hæc omnia frustra & absque certo aliquo fine produxisse? Si sceletum integrum ac perfectum hominis cujusdam in terræ vilce

victoribus deprehenderes, possesne cuidam etiam plebejo, persuadere, skeleton illud ibidem sponte ac fortuito genitum, hominem autem vita gaudentem nunquam fuisse? Certe, si in castra eorum transiverimus, qui corpora omnia Petrificatorum nomine vulgo salutata, aut nihil nisi ludibria naturae, aut lapides veros sui generis, testacea varia representantes judicant, vereor ne gladium ferme victoriandumque atheis ultro concederemus: Si enim figurata corpora ejusmodi, solo cæco partium confluxu tam affabre facta certisque animalibus ex asse similia natura formate posset, cur non & ipsa animalia viva ipsumque denique hominem producere valeret?

§. IV.

A Dductis sic nonnullis rationibus ob quas prima opinio præ ceteris nobis arrideat, reliquum est, ut argumentis eorum, qui contrariam fovent, paucis occurramus: Multa equidem ac varia & contra assertione nostram & pro sua stabilienda proferunt; sequentia tamen maximi esse momenti, sibi & aliis persuasum volunt:

I. Multa dantur petrificata, eademque per totum universum, quorum animalia viva, vel etiam testæ non petrificatae, in toto orbe nondum reperta sunt. Constat vero vix ullum orbis habitabilis esse locum, quo curiositas Historiorum Naturalium non pervenerit; Sic variae species cornuum Ammonis, Nautili aliorumque, quorum maxima ubique fere terrarum in penetralibus terra prostat copia, frustra extra fodinas queruntur. Hinc concludunt, si petrificata testaceis similia revera animalia quondam fuissent, utique hodie num in quibusdam regionibus aut locis offenderentur, quod tamen ad hunc usque diem nunquam & nusquam factum accepimus.

II. Urgent, si viva horum petrificatorum animalia in orbe olim, sive ante diluvium universale, sive etiam alio tempore extitissent, qnamvis eadem viva vel non petrifica in hoc universo amplius haud inveniantur, in Providentiam Divinam peccaremus adstruendo quasdam eorum species aut genera, quæ in primordio creata fuere, deinde in totum interiisse: Novimus autem qua speciali cura supremum & Optimun Numen unum ad minimum par ex animalibus omnibus in arcam Noæ, ad interitum eorum præcavendum, perducenda curaverit.

III. Objiciunt adversæ sententiæ patroni: experientia notum esse, in omnibus fere regionibus corpora petrificatorum nomine venditata testaceisque similia, dari; sed ad littora earum regionum conchas, cochleas, aliaque testacea corporibus supra dictis figuratis respondentia, frustra sapientissime investigari, utpote quæ, uti dictum, aut nunquam & nusquam inventa, aut quæ littora Regionum proprius astrum sitatum elegerunt. Sic Anglia petrificatorum sœcundissima est, etsi littora illius regionis testacea nulla, iis quæ in lapicidinis prostant similia, exhibent. In Canada & nova Anglia Americæ septentrionalis varia, eaque in maxima copia, sic dicta petrificata, conspiciuntur diversorum conchyliorum effigie prædicta, in littoribus harum regionum nunquam obvia; quorum tamen multa, littora maritima Americae magis australis e. g. Florida, occupant. IV. Variæ dari fossilia, e. g. crystallos, gemmas, falia, diversas species pyritum, mineras varias &c., determinatam semper figuram possidentia novimus; cur non idem etiam in corporibus petrificatorum nomen fortis, inquiunt, obtinere potest? V:o Modum vix ac ne vix quidem demonstrati posse suspicantur, quo Petrificata tam alte in penetralia & abyssum terræ, in altissimos montes atque in regiones quam longissime a mari distitas, pervenire potuerint; in primis cum diju-

diluvium universale vix ultra decem menses cum dimidio duravisse, e sacris pateat pandectis.

Ex arduis his obstaculis & difficultatibus, quibus sententiam nostram implicare, obtruere, suamque explicare fatigunt adversarii, nosmet jam paucis expedire conabimur. Ad primum itaque eorum argumentum respondemus: exinde, quod animalia certorum petrificatorum integra & viva nunquam adhuc reperta aut visa sunt, concludere non licet ejusmodi animalia in toto orbe non existere. Quis enim omnes mundi angulos perscrutatus est? Plurima orbis loca ab historico Naturali nullo, sed tantummodo a nautis, mercatoribus & plebejis peragrata sunt; quid vero ab his Historiae Nat. emolumenti ac lucis expectandum? Neminem fugit, corpora naturalia nova plane & antea non detecta quotidie adferri neque a consummatissimo naturae mysta antea visa. Quis autem abyssos omnes maris peruestigavit & invist? Petrificatorum vero maxima pars oceano suam originem debet. Nonne immensa copia animalium marinorum, cornua ammonis aliaque testacea petrifacta exactissime representantes, in profundissimo ac vastissimo oceano, multis a quacunque terra miliaribus, degere possunt? Exigua valde simulque imperfectissima est cognitio, quam de incolis oceani habemus. Anglia hodie lupis caret; sed si Anglus aliquis, qui extra patriam nunquam prorepsit, inde argumentari vellet aut lupos e toto exulare orbe aut Angliam illis nunquam hospitium praebuisse, falleret valde & falleretur. In littora Calabriae, teste Rajo, in ejus three Physico-Theological Discourses p. 155., spirantibus ventis subsolano & Euronoto, testarum pulcherrimarum catervae e mari ejiciuntur: integra vero harum animalia, seu testas cum animalculis eas inhabitantibus, pescatores ibidem degentes nunquam viderunt. In eodem libro pag. 151. refert Rajus, se, comite Willughby, in sinu, insulam Monam ab alia insula, Anglis Galf of man dicta,

sejungente, inter Fucos maiores supra petras ibidem copiosissime crescentes, duos tresve Echinos marinos magnitudine insignes collegisse, quos in littoribus Anglicis nunquam visos fuisse certus novit.

Ad II. Idem responsum, qvod modo primæ objectio- ni opposuimus, valer. Tot genera ac species animalium etiamnum existere, quotquot in prima creatione producta fuere, nobis persuafissimum habemus.

Ad III. Respondemus: nos haud diffiteri multas re-giones petrificata exhibere, quorum sive ipsis animalibus integris, sive testis non petrifactis, in littoribus adjacentibus nullus hodie relictus est locus, sed nihil exinde roboris contrariae sententiaæ accedit. Potuerunt facile ex locis & regionibus australioribus, vel e profundissima maris abyso tempore diluvii universalis illuc, ubi hodie leguntur, perduci, de quo infra §. V. pluribus acturi sumus. In littora insularum occidentalium Scotiae saepius, vi ventorum & fluctuum maris, varia fructuum genera, tam Indiae occiden-talis quam orientalis, conjiciuntur, de quibus vide, que Hans Sloane actis philos. Anglicis f. *The Philosoph. Transact. N. 222, pag. 298.* seqq. inferuit. Si procellæ & undæ vehementiores fructus hosce a locis adeo dissipatis, per tot millaria, advehere valent, tanto facilius varia genera conchyliorum hodie ignotorum ex oceanî abyso & locis peregrinis, ope diluvii universalis, abripi & longe lateque protrudi posuerunt. Colles isti famosi conchyliorum non petrifactorum, qui ad Uddevallam Bahusæ conspicuntur, varias testaceorum species exhibit, quorum quædam etiamnum ad littora Sveciæ Occidentalia leguntur; pleraque autem littoribus Sveticis hodie plane ignotæ sunt ac peregrinæ, licet in maritimis Regionum Europæ Australiorum oris, magna saepè profert copia. Quædam enim species eorum littora Norvegiæ, aliæ Angliæ, aliæ denique Galliæ

& adjacentium elegerunt: vide *Linnæi It. Vestrogoth.* p. 200.
Si conchylia hæc ab oris exteris olim huc pervenire potuerunt, cur peregrinatio eadem testaceis cæteris deneganda est?

Quartum qvod nobis objiciunt argumentum sic retorquemus: Fatemur varia fossilia determinatam semper habere figuram, sed figura hæc plerumque mathematica est nullique alii corpori sponte nato communis; in petrificatis autem omnia, sæpiissime etiam in minimis, cum certis animalibus exactissime congruunt, qvod in prædictis lapidibus nunquam obſinet. Præterea totum, ejusmodi fossilia seu lapides constituens, particulis constat similibus, seu qvæ separatae figuræ toti propriæ gaudent. De cætero neminem unquam comprehensurum atque intellecturum credimus qvmodo salia qvæcunque, multas adeo variaſque in uno eodemque individuo, producere potuissent figuræ, ab omnibus ſalibus, qvæ hactenus habemus comperta, diversissimas. Nemo adhuc in operationibus chemicis ejusmodi crystallizationes unquam animadvertisit. Nec ſalia hactenus notatum multifarias ac diversissimas, at ſimul maxime regulares & artificiosas, figuræ curvilineas formare potuerunt. Certe ad tot diversas figuræ curvilineas, qvibus varia conchylia ornata ſunt, longe plura ſaliū genera & species, qvam qvæ hactenus cognita ſunt, eaque ab his omnibus diversissima, reqvirerentur. Multa dantur testacea petrifacta unius ejusdemque ſpeciei, qvæ, more conchyliorum ad littora marina inventorum, duas testas ſeu valvulas, tam ſuperiorem qvam inferiorem, gerunt; qvarum superior, qvanqvam magnitudine æqualis, figura tamen ab inferiori diversa eft, eodem prorsus modo ac in conchis & aliis testaceis bivalvibus observamus. Si omnia hæc phenomena modo crystallizationis ſaliū formarentur, qværimus qvomodo poſſibile, ut testa superior qvoad figuram ab inferiori plane diversa foret, utraqve tamen testa ex una eademque baſi ſeu cardine ortis?

Cur

Cur salia figuram conchis ac testaceis propriam exactissime imitarentur, observarent? Cur denique hoc pacto testa superior inferiori similis non prodiret?

Ad V. qvod attinet, multi dari possunt modi, viæ multæ, qvibus petrificatorum corpora in profundissima viscera terræ, nec non in altissimos montes deduci potuerunt; qvod in sequentibus paulo fusiū exponemus.

Alii, ut §. II, innuimus, putant semina animalium, nec non vegetabilium, e mari in terram & montes vi ac ope ventorum vaporumque delata fuisse & dispersa; ex qvibus dein exorta animalia perierant, testis, ossibus similibusque eorum reliquiis remanentibus; Plantas rursus, e suis enatas feminibus, post qvascunque vicissitudines, in petrifica-ta itidem degenerasse autumant. Præterqvam vero qvod incredibile prorsus videatur ventos, ut cunque vehementes, tantam in exigua animalium ova aquis innatantia ac immerfa exferere posse vim, ut ea, ab aquis divulsa secum abripiat; difficile, imo absurdum conceptu erit, corpuscula ista, per vastissima spatia, ventorum ope translata, in remotissimis a mari locis disseminata, in terra secca non solum sed etiam in montibus nudis, sterilibus, durissimis exclusa, procreata ac enutrita fuisse. Nec semina vegetabilium & animalium, qvorum reliquiis profundi terræ recessus montiumque alta dora feracia sunt, adeo exilia & insensibilia ponere licet, ut cum vaporibus & exhalationibus per vastas aeris regiones asportari possent; & si essent, qvomodo illa, in animalibus, extra ovum ac uterum, in vegetabilibus extra proprium solum, marina vero insuper extra aquas marinas, crescere, enutrir & sustentari possent? Præter cæteras, qvibus hæc hypothesis premitur, insuperabiles difficultates, insolubilis ferme superest qvæstio: qvibusnam viis & rationibus petrificatorum sic exorta statim in terræ montiumque penetraverint recessus? Quid

tum dicendum de arborum & plantarum partibus, frustis, fructibus aliisque, in terræ cryptis & cavernis reperiundis petrefactis?

§. V.

REstat jam ut breviter exponamus qvibus modis Petrifacata hæcce in viscera terræ, in altissimos montes atque loca longe a mari diffusa migrare potuerint. Præcipua igitur caufsa dignaque, miris adeo et per orbem diffusis phænomenis producendis, mox se offert universale illud, memorabile æque ac funestissimum, *Diluvium*, qvod certo certius S. nobis tradit pagina, cæteris fictis qvibusunque, probabiliter conjectatis, imperfectis, mancis ac secundariis cauſis, præſenti in negotio, facile palmam præripiens. Accedit asserto lux ac robur insigne, si ad ortum progressumque diluvii paululum attendimus. Ex stupendis fane illis circumstantiis, qvas S. Scriptura, fide Historica infallibili, de diluvii initio, progressu, duratione, nobis proponit, primum est colligere varias, easque haud mediocres, telluri eo ipso acceleratas fuisse mutationes. In primis cum *eruptio aquarum e fontibus abyssi* Gen. VII: 11., quicunque demum illi sint, sive per eos vastum oceanum & copiosos aquæductus subterraneos, sive, ex mente *Woodwardi* aliorumque, aquas ingentes centrales telluri inclusas intelligi velis, non fieri potuerit sine multiplici terræ conqvassatione et disturbance; necesse est, ut superior telluris crusta ab impetuosis, ebullientibus ac erumpentibus aquis alibi diffracta, in altum ejecta alibi, multis quoque in locis, pro situ ac indole partium ejus, fissuras agens in profundum præcipitata fuerit. Unde non potuit non confusio qvædam Regnorum naturæ conseqvi. Huc accedit, qvod aqua diluviana, per longum fatis temporis intervallum, terræ faciem occupaverit, sub qvo animalia marina in continentem aquis obrutam tur-

matim

matim sponte migrare ibidemque emori, vel aquis relabetibus remanere potuerunt, reditu eorum quomodo cunque impedito. Nec obstat, quod corpora tam animalium quam vegetabilium stratis terræ indita reperiantur, dum cogitamus, cadavera animalium non minus quam vegetabilia, vehementi aquarum agitatione, huc, illuc disjecta, limo (quo sub fine diluvii, ceu molliori massa pulmentacea, tota obiecta videtur tellus) commisceri, inprimi ac immersi potuisse. Deinde etiam vel per effluvia montium, putrefactionem plantarum aliisque caussis nova terræ strata his superaddita, imo terræ motuum ruinis peregrina ista corpora involuta sepultaque quidni dicamus? Eo itaque nostra heicredit argumentatio: quod maxima pars conchyliorum in terra obviorum & petrificatorum, diluvii sint reliquiae; quæ varios illos situs stationesque, effectibus solius diluvii haud tribuendas, fecutis solitis naturæ eventibus, terræ motibus præfertim, nocte sunt. Hinc integræ fortassis regiones, varii editiores terrarum tractus, eminentes colles atque campi vasti & aridi hodie conspicuntur, ubi ante diluvium hoc universale nil præter maria magnosque lacus fuere. Sic fortassis varii montes ac colles, hodie conchyliis scatentes, aut planities aut littora marina aut fundum etiam maris quondam constituerunt; Postea vero sive in diluvio hoc universali, sive per terræ motus, vel alio etiam modo supra circumiacentem aquæ vel terræ superficiem elevati sunt.

Præcipuum, quod sententia nostræ opponi solet, argumentum a natura desumitur corporum, quæ vi gravitatis deorsum tendere non sursum attollit, vel, quod idem est, centrum terræ petere non ab eo repellit animadvertuntur; ut idcirco aquæ e locis suis inferioribus in terram trumperet non potuerint, taltem non animalium testas in loca

loca tam edita dissipataque secum rapere, cum tanta aquæ in surgendo vehementia concipi vix queat. Sed ad rem vel leviter attendenti non e longinquò patet, totum illum stupendum eventum naturæ longe iuperasse vires, nec nisi singulari Divinæ Omnipotentiæ, in peccata mortaliū armatae, opere exstisſe; quocirca ordinarias naturæ leges suspensas vel migratas fuisse oportet manu Divina, donec pristinum naturæ ordinem Deo restituere placuit. Quid igitur mirum, si immensa aquarum moles, concitatissimo quasi effervescens, exæstuans motu, corpora globi nostri terraquei minora secum rapiendo, ima summis permisuerit? Posita quippe in miraculo caussa extraordinaria supernaturali, poni etiam debet effectus ejusdem generis, qui, miraculo etiam cessante, naturaliter remaneat necesse est.

Conchylia igitur hæc, sive petrifica, sive incorrupta aut in lapideam consistentiam non mutata, cum per totum terraqueum orbem sparsa inveniantur in Europa, Asia, Africa & America, nec ulla vix detur regio ubi illa non observata sunt, totidem manifesta exhibent indicia mutosque agunt testes diluvii universalis, adeo ut, si vel omnia tacerent alia, hæc tamen loquerentur ac unumquemque summae antiquitatis, veracitatis, præstantiae atque sublimitatis Sacrarum pandectarum convincerent. Notatu dignissimum & jucundum est, scriptores gentiles antiquissimos, tantum non omnes, etiam Chinensium, de diluvio hoc universali vel prorsus silere, vel confuse admodum loqui, cum contra S. pagina, clarissimis ac manifestissimis verbis variisque allatis circumstantiis, totam hanc maxime memorabilem Historiam exponat.

§. VI.

Historiæ antiquæ pariter ac recentiores varias loquuntur

tur particulates maris inundationes, quarum causæ vel terræ motus insigniores, vel æstus marini solito altiores & concitatores, aut vis tempestatum vehementiorum fuere; hæ continuo aquarum accursu adeo sæpe excreverunt, ut maria, longe lateque littora sua transmigrando, supra varios terræ tractus aquas elevaverint, atque secum varia conchylia & vegetabilia marina abripiendo, ejuscemodi terram ditaverint spoliis. Quod vero hoc modo testacea multa in loca procul a mari dissita pervenire potuerint, satis unicuique patet.

§. VII.

Limum, humum, variaque terrarum genera, partes animalium ac vegetabilium, ope pluviaz, solutæ nivis, variis etiam aliis modis & adminiculis, e collibus, montibus, locisque quibusvis editioribus ad humiliora & humidiora quotidie deferri novimus: Hinc altitudo collium sensim diminuitur, hinc littora maris, lacuum, fluviorum & amnum extolluntur atque editiora evadunt; hinc aquarum profunditas in lacibus & fluminibus decrevit, hinc post aliquot secula vasti agri & campi ubi antea aquæ navigabiles. Sic, quo pacto conchylia aliaque corpora marina loca illa occupaverint, facile videmus. Si præterea recentiorum quorundam opinio de diminutione aquarum locum habeat firmoque stet tali, etiam hoc modo conchylia aliaque Petrificata in loca longe a mari remota pervenire potuerunt. Sed cum hæc conjectura magnis adhuc prematur difficultatibus, pluresque & accuratiores de re tanti momenti desiderentur observationes, quid certi tantisper heic loci statuere nolumus.

§. VIII.

Intra opiniones in præsenti naturæ campo adhibitas, quæ accur-

accurius perpendi merentur, haud omittendus videtur. Itali A. Lazari Mori conatus in statu telluris ejusque mutationibus describendis. Occasione nim. defumta ab insula Anno 1707. in archipelago exorta & circumstantiis tum observatis (quas veterum historicorum testimoniis de ortu certarum regionum, in primis insularum, nec non observationibus circa incendia montium ignivomorum & strata terræ institutis collustrare nititur) non dubitat scriptor laudatus afferere: omnes terræ regiones hactenus notas, quæ conchyliis scatent, diversis temporibus, vi ignis subterranei, ex fundo maris, variis animalium generibus obtefacto, per terræ motus adscendisse. Concludit præterea motus hosce terræ, qui semper exhalationes montium ignivomorum præcedere observantur, eosdem effectus circa omnes vel saltem plerosque montes, qui ignis subterranei ope extiterunt, præsticisse; ita ut ignis simul erumpens (quod etiam in insula ista nuper oborta factum perhibetur) exhalationes materialium varii generis copiosas circumquaque sparserit, quibus, non solum superficies montis & animalia, quæ hic ascensæ secum portabat, sed fundus etiam maris circumiacens obiecta fuissent. Hinc porro infert, exhalationibus iteratis, diversas rursus erupisse materias, unde diversa quoque terræ strata enata essent; quæ quidem, quamdiu ipsam superficiem maris nondum attigerunt, novis semper conchyliis pro indole fundi inhabitata sunt, donec vel accumulatis adjacentium montium effluviis, in campum supra mare conspicuum excrevissent, vel nova eruptione subterranea in altum sublata fuissent, adeo ut novi montes cumulique emerserint. Quo facto, præsentiam conchyliorum in diversis unius ejusdemque regionis stratis, ex sua mente illustrat. Imo quum, post ejusmodi terræ ortum & inhabitationem, novæ rursus ignis subterranei ejectiones insequi potuerint, ostendit quoque sic arborum partes, plantas

tas resque suppellectiles, pluribus locis in terræ stratis repertas, in visceribus terræ, per repetitas eruptiones obtecta ac adauctæ, reconditas esse. Quos postmodum per intervalla labores continuas indeque pendentes terræ vicissitudines contendit, donec defecta materiæ, ad ignem foven-
dum & concitandum necessariæ, ab explosionibus ac tumultibus istiusmodi terræ tractus montesque penitus cessassent. Quod vero montes antea tantum non omnes memoratis va-
caverint ejectionibus, ex situ eorum ad regiones circumja-
centes, cavernis, quæ exhalationibus olim inservierant &
in plerisque adhuc conspicuntur, atque phænomenis circa
Vesuvium ac Æthnam hodie observatis, colligit. Hoc mo-
do caussam quoque declarat cur loca, ut putat, terræ com-
plura, urbes, silvæ, imo integræ regiones inundatione ma-
rina obrutæ fuerint atque sepulta. Montibus quippe, in-
tulis aliiisque terræ tractibus exortis & fundo maris horum
effluviis sensim crescente, necessum erat aquas inde intu-
mescētes alibi in continentem refugia quaesivisse, declivio-
res terræ partes occupando, quo sic æqualitatem superfi-
ciei, quam naturaliter fluida sectantur, obtinerent.

Varia circa novum Systema hoc monenda sunt. Prius tamen non diffidendum putamus rationibus ab Auctore ad-
ductis haud contemnendum, eo quidem nomine, inesse ro-
bur, quod adhibita explicatio ipsis phænomenis mire consen-
tit, pulchre respondeat & accommodata sit. Accedit, quod
idea, quam de mutationibus terræ & conchyliis, in diversis
ejus stratis exortis, inculcat, eatenus mere imaginaria
haberi nequeat, quatenus nostræ ætatis, utut curtae ac angu-
læ, indubia nititur experientia. Hinc nulla nobis fat præ-
gnans succurrit ratio, ea, quæ ab illo ingeniose excogitata,
diligenter excussa, aliquatenus etiam demonstrata sunt, in to-
tum rejiciendi. Sed ne justo plus huic indulgentes senten-
tia nostri obliscamur instituti remorante ipsi injiciamus,

observamus primo: quod, sicut testacea & petrifica diversorum generum in stratis subterraneis lapius obvia per terræ motus atque ope montium ignivomorum illuc interdum perducta fuisse non negemus, omnes tamen terræ mutationes, & modos, quibus conchylia in terræ montiumque quascunque regiones perevenerint, ex terræ motibus hosque lecutis vomitibus unice derivare velle arduum nimis, ne dicam absonum plane ac frustraneum, videatur. Nec ulla sufficiens in promptu est ratio, phænomenis hisce naturæ unicam tantum tribuendi caussam; præsertim cum infrequens non sit, ut effectus idem tam in rebus naturalibus quam artificialibus varie produci queat. Hinc necessum non est supponere ea, quæ semel iterumque ad effectum aliquem præstandum concurrisse deprehenduntur, semper, ubi similis effectus occurrit, adfuisse. Quin potius unius ejusdem effectus, seu phænomeni, plures saepe detectæ sunt caussæ. Sic v. gr. plurimas propagamus arbores, frutices & plantas, frusta radicum, surculos & ramos terræ demandando, cum tamen ordinarie procreatio omnis vegetabilium semine peragatur. Deinde urgemos tot, tam crebrorum & ingentium terræ motuum ac eversionum, quæ conchyliis & petrificatis quibusvis per totum orbem, variis adeo in locis, proferendis pares fuissent, in monumentis historicis vestigia desiderari; Unde migrationes ejectionesque marinas ab *Ant. L. More* pro lubitu nimis exaggeratas ac multiplicatas videsmus. Quid? quod in borealis plagæ regionibus rarae admodum, exiguae & debiliores terræ concussiones & tremores, nunquam vero insignes aliquæ explosiones eversionesque subterraneæ animadversæ sint; neque tamen in illis globi terrauei partibus conchylia aliaque exulant petrificata. Præterea nec ignotum est, corpora hæc inveniri in locis multa millaria a mari distantibus, ad quæ usque ejectamenta marina pertingere potuisse nullatenus credibile est. Quod rursus

rufus mare omnia ista loca olim obsederit adeoque hæc ipsius fundum constituerint (excepto n. tempore diluvii universalis.) nemo nisi gratis & absone suspicabitur. Ut ratiocinam quod animalia & vegetabilia plane exotica, quorum reliquæ in fossilibus fæpius reperiuntur, secundum ejus hypothesis in propria olim ac domestica in iisdem degissent regionibus, quod tamen tam experientia quam Historia omni aperie adveratur.

§. IX.

PRæter ea, quæ jam a nobis allata sunt, momenta, variis etiam aliis modis, in quibusdam regionibus, Testacea & Petrificata diversorum generum in loca a mari distata pervenire potuerunt. Quibusdam in orbis locis, ubi certis nationibus in cibum variæ concharum & cochlearum species cedunt, ope humana in interiora Regionum deferri potuere. Sic in America Septentrionali compluribus locis, ubi olim oppida & villæ indigenarum fuerunt, cumuli variorum testaceorum saepe conspicuntur, licet plus centum milliaribus a mari distent. Certis etiam concharum speciebus Americani pecuniarum vice utuntur, quas ad littora marina collectas magna copia domum ad montanas sylvestresque regiones secum asportant. Simias, cercopithecos atque Papiones ad Caput bonæ spei quibusvis conchis, cochleis ac testaceis colligendis secumque in montes transvehendis quotidie operam dare legimus. Per canales aquarum subterraneos, per exsiccationem lacuum natura vel arte factam, per flumina novum sibi cursum aperiens (ut innumeros tere alios modos ratiocinam) tonchylia & petrifica varia terræ visceribus indi potuisse facile quisque perspicit.

§. X.

Coronidis loco, ne caput rei intactum relinquam, ipsum petrificationis negotium tribus verbis expedimus. Communi & vulgari etiam experientia notius est, quam ut quemquam fugere queat, corpora animalium libero exposita

exposita acer fermentatione ac putredine corrupti & resolvi, adeo ut aet ad cadavera quæcunque animalia mensuram ad instar se habeat. Eodem jure aqua corporum tam animalium quam vegetabilium principium quoddam destruens salutatur. Unde neutro horum elementorum petrificationem peragi posso per se patet. Neque terra secca & arida par & idonea est cuncta quæ hoc defungatur officio, quippe quæ vapore, vi motrice atque principio activo, penitus caret. Contra, ad conservanda corpora illa in statu suo naturali illæsa ac immutata ejusmodi terra, ærem nimis, & aquam ab iis excludendo, apprime conductit. Quin itaque in petrificatione veri nominis procuranda ac perficienda terra humida non minus quam materia mineralis, circumvagis instructa atque stipata particulis, utramque faciat paginam, nullum superesse videtur dubium. Quæcumque autem lapides sunt corpora, ad mutationem hanc si apte natura quodammodo disposita erant atque comparata. Neque enim succulenta nimis corpora, mollia ac fluida, nec secca penitus, dura solidaque miræ huic obnoxia sunt sorti; nisi quatenus illa materia terrestri densa, durabili, compacta, aut metallica, ad arcendam & impediendam putredinem apta, circundata atque munita fuerint, haec rursus materia quacunque Regni Lepidei extrinsecus adhaerente, eorumve superficiem scabritie & inqualitatibus semet insinuante, externam faciem, tanquam larva obducta, immutatam & absconditam gerant. Ut vero corpora quæque animalium & vegetabilium transmutationem subitura lapideam in extima non hincant superficie terre, sed sub ea recondita jacent, ex modo monitis disparsit. Quibus elaborandis nature artificis ea potissimum subterranea loca apta videntur & dicata quæ aqua permanant calcarea, ubi vapores minerales & exhalationes metallicæ circumvolitant. His observatis liberior panditur via ipsius, quo petrificatio procedit, modum investigandi. Ad primi itaque generis petrificationem, κατ εξην, proprie ac rigore sic dicam, absolvendam duo potissimum concurrere videntur momenta. Primo tunc particulae substantiaz fluxæ, inconstantis ac volatilis corpora tam animalia quam vegetabilia ingredientis, evaporatione & exhalatione sensim abeunt, dissipantur, aut a materia spongiosa & calcarea absorbentur, quibus rursus materia mineralis pedetentim succedit; cuius n. exhalationes poros & loculamenta corporum, discessu propriæ domesticæ materiæ vacua patulaque relicta penetrant, occupant, resarcient adeoque suam his faciem atque naturam communicant. Quomodo corporum in terra peregrinorum fiat incrustatio lapidea, ipsorumque lapidum figuratio, tam per se quam ex supra dictis haud obscurum videtur, eoque libentius ea secco iam pretermis pede. Quid denique de illis dicendum lapidisibus, qui corpora aliena conquirunt insignia s. vestigia sibimet intime infusa quasi exhibent? Nisi quod

sub ipso generationis actu, partibus illorum confluentibus, cœuntibus posteaque indutatis hæc implicita, intercepta, conclusa internam lapidum intraverint substantiam, massisque adhuc mollibus suas impresterint figuram. Ceterum quis abstrusa adeo naturæ tacta certo timetur aut cogitatione plene allequi & exacte imitari sustineat?

Hæc suæ pauca levioraque cogitata, quæ, circa præsens uibile argumentum, temporis & facultatum pressi angustia, in chartam concicere potuimus. Nec mitum si in ardua ac dubia se insbecille hæserit ingenium. Quicquid autem solidi & exasciati in hoc desideratur tentamine ut perfectiora, matura & acuta ingenia, quorum est secretiora rerum rimari adyta, benigne suscipiant, spem habemus. Interim, quæ breviter minusque subtiliter sunt disputata, scopo ac instituto nostro sufficiant.

FRATRI SUO CARISSIMO.

Naturæ humanæ corruptæ tam misera est conditio, ut etiam illarum virium, facultatum & propensionum quæ in se optimæ sunt & ad perfectionem nostram maxime faciunt, nulla jam actu ipso detur, quæ plane pura & innoxia sit, & cui non aliqua adhærent vitia. Hæc nisi ab illis sollicitè distingvantur, a recta via facile aberratur & sub specie boni ac honesti multa, quæ finibus Divinis directè sunt contraria, non licita modo sed & gloriofa prædicantur. Hinc tot vicia virtutum nomine superbiunt, & actiones ex impuris fontibus profuentes, saepe ut heroica, summis laudibus celebrantur. Sic miseri mortales sibi & aliis perniciose blandiuntur. Mente humana dignissimus est inditus ipsi amor veritatis. Eorum vero, qui literarum studiis se tradunt, quot non sunt, qui ostentationis præcipue caussa id faciunt, vanam eruditionis gloriam sectantur aliisque modis a recto tramite deflectunt? Hinc multi fastu literario tument, & ingenio exculto voluntatem pravam ac mores pervergos, nexus certe parum congruo, conjungunt. Ab horum genio *Te Frater Carissime*, novi esse alienissimum, quippe cui id in primis curæ semper fuit, ut, Divinis sub auspiciis, in literas, quæ *Tibi* in deliciis sunt, incumberet. Quando comperii *Te* jam in procinctu esse ad specimen hoc publico exhibendum, non potui

tui, utpote aratori adhuc quam solo sanguinis vinculo *Tibi* con-
junctus, quin publicè *Tibi* gratularer, verbis equidem paucis-
simis, affectu autem tenerissimo, cui locorum, quo distamus, in-
tervallum nihil detraxit sed plura addidit motiva. Gratulor *Ti-*
bis egregia animi dona & profectus felices in scientiis, quas non
leviter tractare, verum ad solidiorem cognitionem adspirare so-
les. Gratulor *Tibi* præsentem Dissertationem fidem hujus rei fa-
cturam. *Tuis* denique omnibus & in eorum numero mihi quoque
gratulor, quos proximè attingunt quæ *Tibi* vel læta vel adver-
sa eveniunt. Quæ de cetero a me dici possent hoc uno comple-
tæt voto, velit propitium Numen, cui *Te ipsum*, fata *Tua* &
reliqua omnia committis, labores *Tuos* efficaci sua gratia ac be-
nédictione promovere, & in Suam Gloriam *Tuumque* commodum
dirigere! Ita, Deo Duce & pietate comite, quam sociam *Tibi*
adjunxisti, stadium in quo decurris feliciter absolves. Sic ex
toto animo voveo

Tibi addictissimus,

MART. JOH. WALLENIUS.

TI L HERR AUCTOREN, MADRIGAL.

HWad ha dock utaf alt
De Lärde i *Naturens* Rike lämnat,
Som de ei rönt och pröfwat til dess halt?
Man ser hur dierst de våga,
At fästa skärpter syn på *Aethnas* låga,
Och dra *Vulcanum* up i dagen från dess städ:
Ei får *Neptun* på våta diupet mer
I badet ostördt gå:
Och *Pluto* misslynt fer
Sin afgrund och desf skrymslslor öpne stå:
Sig plågar *Momus* med.
Men wijsrets Möörne å som slikt med glädie röna
De ska och, min *Cousin*, Er Lärda idknad löna.

JER. WALLENS.